

KENYATAAN MEDIA

SWM ENVIRONMENT BERI PENGHARGAAN SEMPENA HARI PEKERJA PEMBERSIHAN 2023

MELAKA, 17 JUN 2023 – Lima pekerja pembersihan SWM Environment Sdn Bhd (SWM Environment) dipilih untuk menerima anugerah pada Majlis Kecemerlangan Pekerja Pembersihan Peringkat Negeri Melaka anjuran SWCorp Negeri Melaka yang diadakan di Dewan Kasturi, Kompleks JAPERUN Ayer Keroh sempena sambutan Hari Pekerja Pembersihan pada tahun ini.

“Sambutan Hari Pekerja Pembersihan ini adalah satu pengiktirafan kepada semua pekerja pembersihan kita. Mereka telah bertungkus lumus memastikan kebersihan dan keselesaan rakyat Malaysia untuk menikmati kawasan yang bersih dan selesa. Masyarakat perlu sentiasa menghargai setiap keringat para pekerja pembersihan yang juga dianggap sebagai pekerja barisan hadapan dalam memastikan persekitaran yang bersih”. kata Mohd Norlisam Bin Mohd Nordin, Pengurus Besar Korporat SWM Environment.

Tambah beliau, anugerah ini bukan sahaja memberi pengiktirafan dan galakan motivasi kepada penerima malah akan menjadi dorongan kepada rakan sekerja yang lain dalam melakukan kerja pembersihan. Pihak syarikat akan terus menyediakan tenaga kerja pembersihan yang berkualiti bagi memenuhi perkhidmatan kerja-kerja pembersihan.

Lima anugerah disediakan iaitu Anugerah Khas Pekerja Pembersihan Negeri Melaka menjadi milik **Zaiton binti Abdul Latif** yang juga Ketua Pekerja Rendah Am SWM Environment.

Bagi Anugerah Tokoh Pekerja Pembersihan Cawangan pula menjadi milik **Hamile bin Hassin** (Cawangan Melaka Bandaraya Bersejarah), **Mohd Raduan bin Kadir** (Cawangan Hang Tuah Jaya), **Ahmad Zamri bin Abdul Hamid** (Cawangan Alor Gajah) dan **Wan Mohamad Aswadi bin Wan Umar** (Cawangan Jasin).

Kesemua anugerah ini disampaikan oleh Yang Berhormat Exco Kanan Perumahan Kerajaan Tempatan, Saliran, Perubahan Iklim dan Pengurusan Bencana Negeri Melaka, Datuk Rais bin Datuk Wira Yasin.



Turut hadir bagi memeriahkan majlis ini adalah Pengarah Perbadanan Pengurusan Sisa Pepejal dan Pembersihan Awam (SWCorp) Negeri Melaka, Tuan Khairuladha Ab Mutalib.

-TAMAT-

MENGENAI SWM ENVIRONMENT SDN. BHD.

SWM Environment Sdn. Bhd. (SWM Environment) adalah syarikat konsesi yang menyediakan perkhidmatan pengurusan sisa pepejal dan pembersihan awam di negeri Johor, Melaka dan Negeri Sembilan sejak tahun 1995, melalui perjanjian konsesi yang dikawal di bawah Akta Pengurusan Sisa Pepejal dan Pembersihan Awam Negara (Akta 672).

Sebagai syarikat konsesi terbesar di Malaysia, SWM Environment, melalui tenaga kerja yang seramai 12,000 orang, berkhidmat kepada 27 pihak berkuasa tempatan, 1.5 juta premis kediaman dan komersial dengan lebih daripada 5.1 juta orang bagi liputan geografi 28,500 kilometer persegi. Untuk maklumat korporat yang lebih lanjut, sila layari laman web: www.swmenvironment.com.

Dalam usaha mengurangkan sisa janaan ke tapak pelupusan sampah, SWM Environment secara giat mempromosikan program-program alam sekitar yang berimpak tinggi seperti Pengasingan Sisa Pepejal Di Punca (SAS), kitar semula dan pengkomposan sisa makanan demi meningkatkan kesedaran awam di kalangan masyarakat umum.

Pada 2018, SWM Environment telah memperkenalkan program kitar semula berganjarannya, KITAREcycle, di ketiga-tiga negeri selatan Semenanjung Malaysia. KITAREcycle menggalakkan orang ramai untuk mengitar semula dan menerima mata ganjaran untuk lebih daripada 25 jenis barangan kitar semula yang termasuk kertas, tin aluminium, plastik, sisa elektrik dan elektronik. Mata ganjaran yang terkumpul boleh ditebus secara tunai melalui perbankan dalam talian. Orang ramai boleh memuat turun aplikasi KITAREcycle melalui *Apple Store* dan *Google Play Store*. Sila layari laman web: www.kitarecycle.com untuk mendapatkan maklumat lanjut.

Orang ramai yang mempunyai sebarang pertanyaan berhubung perkhidmatan kutipan sisa pepejal dan pembersihan awam boleh menghubungi Talian Indahkan Malaysia di 1-800-88-7472 atau Talian WhatsApp SWM Environment di 012-618 0082.

Untuk keterangan lanjut, sila hubungi:

Puan Noor Che Wah Binti Ramli

Eksekutif Kanan

Jabatan Komunikasi Korporat & Hal Ehwal Kerajaan



SWM ENVIRONMENT

SWM Environment Sdn. Bhd. (Pejabat Wilayah Melaka)

Tel : 06 – 3350191 / 012 – 385 1436

E-mel : wah.ramli@swmsb.com